

ახალი უმაღლესი სასწავლებლის საგანმანათლებლო პროგრამებით
გათვალისწინებულ წერით ნაშრომთა შესრულების სტანდარტები

1. ზოგადი დებულებანი

- 1.1. წინამდებარე მოთხოვნები ვრცელდება ახალი უმაღლესი სასწავლებლის (შემდგომში სასწავლებელი) უმაღლესი საგანმანათლებლო პროგრამებით გათვალისწინებულ წერით ნაშრომებზე, თუ ნაშრომის სპეციფიკიდან ან სხვა გარემოებებიდან გამომდინარე, გამონაკლისის სახით, პროფესორის მიერ სილაბუსით (პროგრამით) ან უფლებამოსილი ორგანოს მარეგულირებელი აქტით, სხვა რამ არ არის გათვალისწინებული;
- 1.2. ნაშრომი, რომელიც გამოირჩევა შესრულების მაღალი ხარისხით და გარკვეული თვალსაზრისით ფასეულობას წარმოადგენს, გადაეცემა სასწავლებლის ბიბლიოთეკას და ინახება განუსაზღვრელი ვადით. მსგავს ნაშრომზე რეკომენდაცია გაიცემა პროფესორის მიერ, რომლის ხელმძღვანელობითაც შესრულდა ნაშრომი.
- 1.3. არქივში გადაცემული ყველა საბაკალავრო ნაშრომი ინახება 2 წლის ვადით.

2. წერით ნაშრომთა ზოგადი სტანდარტები:

ენა: წერითი ნაშრომები შესრულებული უნდა იყოს ქართულ ენაზე, ორთოგრაფიული, სტილისტური და გრამატიკული შეცდომების გარეშე.

ქაღალდი: ნაშრომი უნდა შესრულდეს A4 ფორმატის თეთრ ქაღალდზე, ორიენტაცია – ვერტიკალური. ბეჭდება წარმოებს ერთ გვერდზე. ნახაზები, ცხრილები, ფოტოსურათები შესაძლებელია შესრულებულ იქნას ნებისმიერი სხვა ზომის ფორმატზე, მხოლოდ აღნიშნული გვერდები არ უნდა აიკინძოს ძირითად ტექსტთან ერთად.

მინდორი: არე მარჯვნიდან 1 სმ. და მარცხნიდან 3 სმ.; არე ზემოდან და ქვემოდან 2.5 სმ.

შრიფტი: საბაკალავრო ნაშრომი შესრულებულ უნდა იქნას შრიფტით – sylfaen ~ (უცხოურ ენაზე შესრულების შემთხვევაში შესაბამისი შრიფტით). შრიფტის ზომა 12. თავებისა და ქვეთავების დასახელებაში შესაძლებელია გამოყენებული იქნას უფრო დიდი შრიფტი, ზომით – 14.

სტრიქონებს შორის მანძილი: ძირითადი ტექსტისათვის ინტერვალი არის 1,5. მცირე ზომის სექციებისთვის (შინაარსი, ცხრილებისა და ნახაზების ნუსხა, რეზიუმე, სქოლიო, შენიშვნა და სხვა) აიღება ინტერვალი 1.

გვერდების ნუმერაცია: ყველა გვერდი დანომრილი უნდა იქნას თანმიმდევრობით.

დაუშვებელია თავისუფალი სივრცის ან გვერდის დატოვება და ასევე გვერდების განმეორება. შესავალი გვერდები ტექსტის ძირითად ნაწილთან ერთად, გარდა სატიტულე გვერდისა, ინომრება თავახის მარჯვენა ქვედა კუთხეში შრიფტის ზომით – 10.

თავების და ქვეთავების დასახელებები: ყველა თავისა და ქვეთავის დასახელება უნდა იქნას ჩართული სარჩევში. ყველა თავი უნდა იწყებოდეს ახალი გვერდიდან, ხოლო ქვეთავი შეიძლება გაგრძელდეს იმავე გვერდიდან.

სქოლიო: სქოლიო უნდა განთავსდეს გვერდის ბოლოს. შრიფტის ზომა - 10. სქოლიოს განთავსებისას ნუმერაცია წარმოებს სიმბოლოებით ან არაბული ციფრებით, რომელიც შესაძლებელია დაიწყოს ყოველ გვერდზე თავიდან.

გამოყენებული წყაროები: გამოყენებული ლიტერატურის ნუსხა უნდა განთავსდეს ნაშრომის ბოლოს, ძირითად ტექსტში მითითებული თანმიმდევრობის მიხედვით. ლიტერატურული წყაროს მითითებისას დაცული უნდა იქნას შემდეგი სტილი:

სტატია: გვარი, ინიციალი / სრული სათაური. ჟურნალის სრული დასახელება ან აბრევიატურა. წელი, ტომი, ნომერი, გვ. დასაწყისი - დასასრული.

მაგალითად: ნანობაშვილი ქ. ვირტუალური ლექციების მომზადების მეთოდიკა გრაფიკული მოდელების სწავლების მაგალითზე. ჟ. „ინტელექტი“, 2004. #3. გვ.10-14.

წიგნი: ცალკეული გვერდების მითითებისას: გვარი, ინიციალი / სრული სათაური, გამომცემლობა, წელი, (ტომი), გვ. დასაწყისი - დასასრული.

მაგალითად: ნანობაშვილი ქ. Web-გვერდების დაპროექტება. 2012. გვ 110-112.

მთლიანი წიგნის მითითებისას: გვარი, ინიციალი/ სრული სათაური, გამომცემის ადგილი, გამომცემლობა, წელი, (ტომი), გვერდების რაოდენობა გვ.

მაგალითად: ნანობაშვილი ქ. Web-გვერდების დაპროექტება. 2012. 120 გვ110-112.

ინფორმაცია გლობალური ქსელი: ვებ-გვერდის დასახელება. უკანასკნელად იქნა გადამოწმებული – რიცხვი, თვე, წელი.

მაგ.:

1. <http://patft.uspto.gov/netacgi/doc.html>, უკანასკნელად იქნა გადამოწმებული - 05.03.2012.

3. საბაკალავრო ნაშრომის გაფორმება

3.1. საბაკალავრო ნაშრომის თემისა და სტრუქტურის შერჩევა წარმოებს სტუდენტის მიერ ხელმძღვანელთან შეთანხმებით, რომელიც უნდა იძლეოდეს სწავლის პერიოდში მიღებული კომპეტენციების ასახვის საშუალებას.

3.2. **მოცულობა:** საბაკალავრო ნაშრომის მოცულობა არის არანაკლებ 25 და არაუმეტეს 50 გვერდისა.

3.3. საბაკალავრო ნაშრომის გაფორმების სხვა ტექნიკურ მხარეზე ვრცელდება წინამდებარე დოკუმენტის მეორე მუხლით დადგენილი მოთხოვნები (ენა, ქაღალდი, მინდორი, შრიფტი, სტრიქონებს შორის მანძილი, გვერდების ნუმერაცია, თავებისა და ქვეთავების დასახელებები, სქოლიო, გამოყენებული წყაროების ციტირებისწესი).

3.4. ნაშრომის სტრუქტურა:

სატიტულო გვერდი (გარე ყდა): უნდა იყოს სტანდარტული ფორმის. იგი აუცილებლად უნდა მოიცავდეს საბაკალავრო ნაშრომის დასახელებას, სტუდენტის გვარს, სახელს და ტექსტს „წარმოდგენილია ბაკალავრის აკადემიური ხარისხის მოსაპოვებლად“, „ახალი უმაღლესი სასწავლებელი“, მასზე ასევე უნდა განთავსდეს თვე და წელი, როდესაც არის დანიშნული საბაკალავრო ნაშრომის დაცვა. აღნიშნული გვერდის ნომერია-1, მაგრამ იგი არ მიეითითება.

რეზიუმე: მასში მკაფიოდ უნდა იყოს გადმოცემული შესრულებული სამუშაოს მოკლე შინაარსი და ძირითადი შინაარსი. როგორც წესი, რეზიუმე არ შეიცავს სქოლიოს, ცხრილებს, სქემებს და სხვა.

რეზიუმეს მოცულობა უნდა იყოს 100 სიტყვამდე. რეზიუმე შესრულებული უნდა იყოს ორ ენაზე საბაკალავრო ნაშრომისა და ერთ-ერთ უცხოურ ენაზე.

შინაარსი: საბაკალავრო ნაშრომი უნდა შეიცავდეს სარჩევს. გვერდის ნომრები უნდა განთავსდეს მარჯვენა მინდორთან. დასაშვებია სათაურსა და გვერდის ნომერს შორის არსებული სივრცის შევსება სიმბოლოებით: „... „_“, და სხვა.

ძირითადი ტექსტი: ძირითადი, ტექსტობრივი ნაწილი შესაძლებელია დაიყოს თავებად და სხვადასხვა დონის ქვეთავებად. იგი აუცილებლად უნდა შეიცავდეს შესავალს. შესავალ ნაწილში მოცემული უნდა იყოს საბაკალავრო ნაშრომში დასმული პრობლემის აღწერა, აქტუალობა და პრაქტიკული მნიშვნელობა შესავალის მოცულობა არ უნდა აღემატებოდეს ძირითადი ტექსტის მოცულობის 5%-ს.

დასკვნა: საბაკალავრო ნაშრომი აუცილებლად უნდა შეიცავდეს დასკვნას, რომელიც მოკლედ უნდა იქნას ჩამოყალიბებული.

დანართი (არსებობის შემთხვევაში): მასში შესაძლებელია განთავსდეს: მონაცემთა ცხრილები, ნახაზები, გაანგარიშებები, დიაგრამები, სქემები და სხვა.